

Powšitkowne WOZJEWJENJA

njedźelu, 30. junija 2013

Koparski turněr dekanatneje młodžiny

Koparski turněr dekanatneje młodžiny budže sobotu, 6. julija, w Pěskecach. Zakop je w 10 hodź. Přizjewjenja mustwow přijimuju so hač do pónđzele, 1. julija, we Worklecach pod telefonowym čisłom (03 57 96) 9 55 95. Nadrobniše informacije namakaće na plakaće we wosadach.

Kemše w Krupce

Na Božu mšu srjedu, 31. julija, w 10 hodź. w Krupce pojedže zaso bus. Štož chce sobu jěć, njech přijewi so pola Šmitec wozydłownistwa w Radworju, telefonowe čisło (03 59 35) 28 60.

Putnikowanje džěci

Džěci ze wšitkich serbskich wosadow su srjedu, 17. julija, pod hesłom „Štož wón wam praji, to činće!“ na putnikowanje do Róžanta přeprašene. Boža mša budže w 10.30 hodź. w hnadownej cyrkwi. Po mjezypogramje so putnikowanje z nyšporom w 13.00 hodź. zakónči.

Pěši do Częstochowy

Tež lětsa pozbudža farar Beno Jakubaš, so w serbskej skupinje na putnikowanje z Warszawy do Częstochowy podać. Hić smě kóždy sobu, kotryž je 18. žiwjenske lěto docpěł. Termin putnikowanja je wot 5. do 15. awgusta. Zetkanje wšitkich putnikow budže srjedu, 3. julija, w 20 hodź. na Njebjelčanskej farje. Zajimcy njech so hač do njedzele, 30. junija, přijewja pola fararja Bena Jakubaša w Njebjelčicach, telefonowe čisło (0 35 78) 30 20 05.

Putnikowanje do Krupki

Na pěše putnikowanje do Krupki su młodostni wot 16 lět tež lětsa zaso přeprašeni. Procesion woteńdže njedzele, 28. julija, z Chróscic a wróci so pjatk, 2. awgusta. Zajimcy měli so hač do pjatka, 5. julija, w Chróscicach na farje přijewić, telefonowe čisło (03 57 96) 8 04 00. Po tym so hižo žane přijewjenja njepríwozmu. Putnicy zetkaja so njedzele, 7. julija, po nyšporje w Chróscicach na farje, štož je za wšitkich nowačkow winowatosć. Nyšpor je w 14 hodź. Boža mša w Krupce budže srjedu, 31. julija, w 10 hodź.

Lětni koncert w Radworju

Chór Meja přeprašuje wšitkich zajimcow na swój lětni koncert njedzele, 7. julija, na zahrodze před Starej cyrkwičku w Radworju. Wot 15 hodź. poskići so swačina. Koncert zahaji so w 16 hodź. Program wuhotuja nimo Mejanow rejwarjo Wudworskeho serbskeho folklorneho ansambla, skupina Wólbernosće a Čmjela Hana, kotraž wjeseli so wosebje na džěci.

Serbske kemše w Drježdžanach

Serbja, jich přiwuzni a přećeljo su wutrobnje přeprašeni na serbske kemše njedzele, 7. julija, w 17 hodź. do cyrkwe swjateho Antonija w Drježdžanach-Löbtauwje, Bünauska dróha 10. Božu mšu woswjećić farar Gabriš Nawka. Po kemšach zetkamy so na bjesadu.

M. Bubnerjec